

Hindätiidmise avvuhinna alospapõr

2012. aastagast pääle antas Vana-Võromaa latsiaiulõ, koolõlõ ni kultuuriasotuisilõ,

-ütisüisile ja -seldsele **Hindätiidmise avvuhinda**. 2022. aastast tull avvuhinnasaajite tsõõri mano ütsikisiku astõ.

Avvuhinda and Võro Instituut edimält vällä ütenkuun Vana-Võromaa maavalitsuisiga, iinmärgis **hoita võrokõsõs olõmist avvu seen**. 2018. aastagast omma avvuhinna välläandmise paarilidse Põlva- ja Võromaa umavalitsusõ.

Ütel aastal andas vällä kooni kolm avvuhinda, minkaga kitetäs kas pikkä aigo tettüt tüüd võro keele ni meele edesikestmise hääs vai vahtsõt hääd alostust uma keele ni meele härgütämisel.

Avvuhindo välläandmisõ man kaias:

- kuis hindätiidmist ja hindästpidämist vällä näüdatäs;
- kuis hindätiidmine ja hindästpidämine vällänpuul koto silmä nakas;
- kuis hindätiidmist ja hindästpidämist noorilõ edesi andas.

Avvuhinda väärt tegijit võiva üles säädi nii eräisiku ku asotusõ ja seldsi. Avvuhinna saajas või hinnäst ka esi vällä pakku. Etteantu vormi perrä (lisa 1) täüdet ülessäädmise ettepanõk tulõ saata Võro Instituudilõ aadrõssil Tarto 48, Võro vai e-postiga wi@wi.ee pääle avvuhinna välläkuulutamise aasta 22. radokuu pääväs.

Võro Instituudi direktri kuts kokko hindajidõ kogo, kon omma inemise Võro Instituudist ja Põlva- ja Võromaa umavalitsuisi asutuisist. Päält edimädse avvuhinna välläandmist om järgmädsen hindajidõ kogon ka üts inemine mineväkõrdsõ avvuhinna saaja puult. Ülessäädmisi põhal tege hindajidõ kogo edimädse parõmbidõ vällävalimisõ ja kul olo lurasõ, sõs mindäs naid ka paigapääle kaema. Nättü põhjal tege hindajidõ kogo avvuhinna saajide kotsilõ otsussõ. Hindajidõ kogo otsus piät olõma tett ütel meelel seo alospaprõga ja kogo osaliisi süämetunnistusõ perrä. Ku vaia, võidas vällä anda ka mitu avvuhinda vai jättä avvuhind vällä andmalda.

Avvuhinnas om tenokiri ja tunnis- vai mälehtüsasi, miä näütäse vällä Vana-Võromaa illo vai ummamuudu olõmist. Ku olo lurasõ, käü avvuhinna mano ka kimmä tsihiga rahalinõ preemiä.

Avvuhinna saaja hõigatas vällä ja avvuhinna andas kätte imäkeelepääväl (14. urbõkuul).

Avvuhinna alospapõrd, hindajidõ kogo kuunsaisu ni avvuhindamisõ põhimõttõt sa muuta Võro Instituudi direktri käskkiräga.

Võro Instituudile
Hindätiidmise avvuhinna taotlus

.....
 (kiä esitäs)

Address

Tel.nr

Kontaktisik

.....
 (kedä esitädäs)

Andmõ avvuhinda väärt asotusõ vai seldsi kotsilõ

- 1) Võrokõsõ hindätiidmise ja hindästpidämise **vällänäütämise** kinnitusõs om
*(näütüses võrokeelidse sildi uman majan, võrokeeline molovihu ja/vai kodoleht, pido- ja
 näütämistrõiva, ummist ettevõtmüisist andas aokirändüsele vai kirätsõõrõn jne teedä võro
 keelen, võro keelen luulõtamine, loengu pidämine jne):*

.....

- 2) Võrokõsõ hindätiidmise ja hindästpidämise **vällänäütämise** kinnitusõs
kotost vällänkäämisel om *(näütüses võrokeelidsist ja -meelidsist sündmüisist
 ossavõtmine, võrokeelidside laulõ vai näütemängega üleriigiliidsist vai üleilmsiist
 konkurssesst vai välläsõitõtst ossavõtmine, võrokiilse sõnavõtmisõ jne):*

.....

- 3) Võrokõsõ hindätiidmise ja hindästpidämise **edesiandmise** kinnitusõs om
*(näütüses võrokeelidse opitunni ja -tsõõri, egäpääväne võro keelen kõnõlõminõ nii tüül ku
 vabal aol, umakultuuriga kõüdet käsitüü tegemine jne):*

.....

- 4) Uma keele ja meele edesikestmise hääs om avvuhinnakandidaat tennü viil
 järgmäst:

.....

